

և 12 հազարաց նոցին, և լուեալ թէ տիրէ սով 'ի Պաղեստին, թողին զգօրսն առ Արգար արքայն Հայոց, և ևկին 12 Իշխանօք և 1000 հեծելովք, Մեղքոն, Գասպար և Պաղտասար, ըստ Վարդանայ, ոսկի, կնդրուկ և զմուռս բերեալ պատարագ: Լուկիանոս ոմն Հռոմայեցի՝ գրեաց առ կայսրն Օգոստոս յԱտրեայ. «Գիտացէ ինքնակալութիւնդ, զի ևկին 'ի հարաւոյ յարեւելից արք մեծաշուքք, և երկըրպագին տղայի միոյ ծնելոյ 'ի Պաղեստին, հրաման առեալ 'ի վերուստ յաստեղէ մեծէ, որ առաջնորդէր նոցա»: Ընծայեցաւ քառասնօրեայ 'ի Տաճարն, արձակեալ զծերունին Սիմէովն 'ի խաղաղութիւն:

Փախեալ յեգիպտոս ընդ ծնողացն ապրեալ 'ի մեկգնութենէ Հերովդի, զի ծանեալ զնա նախանձորդ թագաւորութեան իւրոյ և և կամէր սպանանել: Այլ իրբեւ խարեցաւ 'ի Մոզուց անտի, և հեղ զցասումն սրամտութեան իւրոյ 'ի տղայն Բեթղէհէմի և յամենայն սահմանս նորա, և ետ կոտորել զնոսա յերկեմենից և 'ի խոնարհ, 1462 անձինս՝ ըստ Վարդանայ. կարծելով սպանանել ըզՓրկիչն 'ի նոսին: Խնդրեաց և զՅովհաննէս՝ սեր և զաւնիցի նա 'ի լեռնակողման. զի հոչակեալ էր անուն նորա ընդ ամենայն Հրէաստան՝ վասն սքանչելի ծննդեան նորա: Աճապարեաց Եղիսարեթ, առեալ զմանուկն փախեալ 'ի լեռան, և 'ի սնդել արքունի խնդրակաց զհետ նորա, նոյն ժամոյն պատահեցաւ վէմն, և առ ընկալաւ 'ի ներքս զմայրն և զմանուկն: Եւ ապա հրեշտակ Տեառն եհան ըզնոսա 'ի վիմէն. Եղիսարեթ գնաց 'ի տուն իւր, և մանուկն մնաց յանապատի սպասաւորեալ 'ի հրեշտակաց:

Եկեալ Եղիսարեթի ևգիտ զՋաքարիա նահատակեալ վասն ճշմարտութեան, զի սպանին զնա Հրեայք 'ի Տաճարին՝ (որք Մեսիայ առդնէին զՀերովդէս), վասն քարոզելոյ նորա զգալուստ ճշմարիա Մեսիային, և թագուցանելոյ զորդի իւր:

Իսկ Հերովդէս ցասուցեալ արքային Հայոց Արգարու, սակս արհամարհանաց իւրոյ պատկերին, գումարէ զօրս 'ի վերայ նորա, և սլատահեալ քաջացն Հայոց՝ անկանի 'ի մարտին եղբայր նորին Յովսէփ, և զօրքն ցրուին փախուտական, և և ինքն անկեալ յախտ գժնդակ՝ եռացին որ: